

中國方志叢書·華中地方·第七六七號

據

清·彭際盛等修，胡宗元等纂  
清光緒元年刻本

影印

江西省

# 吉水縣志

成文出版社有限公司印行

中華民國七十八年三月臺一版

# 吉水縣志

共九冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二／九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

吉水縣志卷之六十二

藝文志

文集詩

明

宇水拖瀾

曾同亨

恩江西接贛江平雙壁交流混太清留得字形堪指點至今邑里擅嘉名

金灘水漲

初晴兩岸百花明積雨春江駭浪生鎧火街頭懽宴罷夜闌時聽榜歌聲

詩

劍石晴雲

岩堯畫閣倚青山冉冉晴雲出岫閑  
試劍仙人去不返空留瓊島在塵寰

墨潭澄鏡

碧水澄清疊嶂前參差倒影映潺湲  
雲開月出揚帆夜快觀舟行鏡裏天

巽峯卓筆

一峯卓立削芙蓉位奠南隅氣鬱葱  
但望峯頭開瑞色預占多士薦王宮

仁山擁翠

崔巍高岫俯江城黛色分明列畫屏見說儲精頻產後幾  
人勲業副山靈

白沙晚照

幾處人家傍水隈望中白沙鳥飛過夕陽笙吹中流發疑  
有真仙絳節來

桐江夜月

千章雲樹擁江峯數派溪流到此同十里金鼇遙在望一  
樽相對月朦朧

感懷李珍默師并送別長君之任肇慶

沈一貫 四明

曾被孫陽一顧奇  
秋風昂首試驅馳  
笛中每恨山陽事  
席上甯如河朔時  
五色騎羊南海外  
一毛儀鳳大江湄  
八千里路蓬萍別  
濁酒榴花杳未期

大平山房

鄒元標

鑿石臨青嶂  
開門俯碧流  
生涯聊自適  
世網復何求  
睥睨千峯曉  
藤蘿萬木秋  
牛羊三徑裏  
樵唱好賡酬

出郭才半里  
小構兩三閤  
禾黍平高下  
牛羊任往還  
穿林尋窈窕  
移步弄潺湲  
架上書千卷  
閑居取次刪

鄰曲兩三家  
晨昏共歲華  
春來烹細筍  
雨後試新茶  
嘯虎成朝市  
林蜂散午衙  
居然寂寞意  
靜境得無譁



一榻掛樓居八窗映碧虛觀空騰野馬縱目數游魚懶慢  
身堪寄登臨眼獨舒門前花鳥亂疑枉故人車

送李鹿南改粵少參

分陝清風按部還又乘紫氣出函關檐帷暫假臨三輔旌  
節行看鎮百蠻薇省月明鄉夢近榕城午轉宦情閒尉佗  
臺上嵐煙盡尺素能無慰別顏

解春雨學士舊墓

先生天下士磊落可議論氣節千秋壯文章百代尊有才  
匡聖主無墓弔王孫多少高山意空留片石存

字水拖瀾

風行水上字如雲秀擷千山韻不羣豈是地靈呈象數故  
開寶篆兆人文

金灘水漲

春來江上鵝鳩鳴夜雨蕭蕭卷浪聲無限中流頻擊節和  
風相送片帆輕

劍石晴雲

當年劈石自天成秀削芙蓉夾岸明雲護風雷時作吼中  
宵隱隱似龍鳴

墨潭澄鏡

潭水澄澄清且止心源不鑿湛如水一波才動萬波隨觀



象吾今悟至理

巽峯卓筆

峯頭有筆大如椽一掃東南半壁天縱倒銀河題不盡時  
嘯灝氣欲凌烟

仁山擁翠

仁山萬仞插芙蓉中有高人伴赤松我欲從之不可得他  
年結屋最高峯

白沙晚照

水碧沙明兩岸分斜陽擁照麗江濱山頭倍有松楸暮風  
送漁歌不忍聞

言才集卷之十一  
桐江夜月

桐江江上水悠悠一派青山天際浮最是无情深夜月相看不盡古今愁

送吳主政乞恩歸養

周延

鄉心遙逐白雲飛懇疏辭榮捧詔歸南國祖筵人似玉春風仙里錦爲衣恩沾魏闕乾坤大光照吳門草樹輝此去若勞簪筆夢卽看忠孝兩無違

贈龍湖入相

至道經邦總國均喜瞻端揆簡元臣羽儀霄漢台階迴斧藻絲綸帝制新漢室文章光大業虞廷都峴際昌辰樓船

三月河橋路帶得商霖到處春

送溪園兄歸吳中

周 鳴

青梧落盡井邊稀，撼撼寒聲窗外微。  
官舍一秋常滯雨，客卿九月未成衣。  
講帷坐久愁方寂，學省吟成思每違。  
明日橫江待孤艇，湖頭東下送兄歸。

米志

訪爾瞻水田村居

劉應秋

爲愛深山近水居，溪雲谷月足吾廬。  
人來爭席惟鶉鷃，我白忘機狎豕魚。  
繞石鬱蔥宜種玉，捲簾青翠好攤書。  
山公縱有烟霞癖，無那蒼生望久虛。

訪鄒爾瞻過甘泉菴

羅大紘

文水灘偏折桂鄉山深地僻虎狼踰於今幸有揚雄宅  
路鐘聲到夕陽

告文文山丞相矢志

李邦華

空將腔血灑燕京死事何如成事人帝陋唐元真聖主誰  
爲伯紀泣孤臣忠良雪涕難分任嬰臼傷心共一身信國  
斯文誰領取仁山千載協嶙峋

殉國絕筆

人生自古誰無死留取丹心照汗青今日騎箕天上去忠  
魂千載祐皇明

哭家總憲懋明翁寄來別筆

李日宣



金甌方擬應池東轉盼何期遂大忠  
總憲嚴瞻儀眾豸太師涓望起非熊  
天河手挽千鈞重地道日微一柱窮臨難  
甯辭三尺帛六龍獨馭上元宮

元潭哀我舊王孫水共淵源木共根  
先我十年推獨步輸公一著愧同門  
山窮水盡徵奇骨風急天寒識定跟  
恨不相從生死路數行別淚灑乾坤

猶憶石鐘分袂日悲歌慷慨異平時  
世間死所原難得國事生愁莫可支  
不朽孤忠昭史冊無逃大義震蠻夷  
傳來監國綸如霈第一應頒恤死咨

手把遺書淚轉揮一生忠義此巍巍  
從容報主於今易慷慨



慨殺身自古希未審前星何地耀猶憐勁骨甚時歸祇遺  
詩禮庭常在屬付兒孫好振衣

絕命詩

孤臣不死竟何爲四十年來心計之當此枕戈待旦日尙  
容病骨卧薪時成仁取義祇完我信國忠文且取師揮手  
不堪回首處燕山閩水自相唏

贈李懋翁少司馬長君救弟隕身

范景文

餘烈真能著友于豈能生死視殊途往乘江月過供奉迴  
望衡湘泣大夫劍化亦知終是合珠亡那可竟全枯明綸  
應起寒濤色夜冷鵠原尙欲呼

玉華山道士石室

劉同升

清溪有靈氣一徑上疏烟  
捫葛陟石磴崇觀起層巔  
中有采真人其人秀且鬖  
長嘯激流風哀商徹鳴泉  
鸞鶴發孤響山水淡塵緣  
觀彼紅塵苦信此草堂元  
曠矣幽清意難與世人宣

烈女龍氏

有序

茂才士奮之子予同堂外孫也士奮字伯庸負才名使  
氣女委禽尙幼兩家爭毆父死離婚女稍長每欲爲尼  
母以其幼也微示改聘之意女曰不能爲父死又復有  
他志女流自賤何至於此母乃自尋乎終不能強剃髮

詞經同母家居數年病卒

可嘆鬚眉義未申大讎不報共乾坤惟知父一長爲女忍  
謂夫存別事人半世不甘聞婦字空門自合拜童眞曹娥  
江上碑難讀況是幽貞倍苦辛

府志

國朝

醉月亭春分同曾堯臣諸子賞海棠

二首

李元鼎

容易春歸半眞堪醉此園況能逢好友更喜雜方言花意  
晴偏媚林光晚益溫深談宜向夕月色上苔痕

何必郊原去春光不可孤尋芳驚舞蝶煮茗動遊蛛最愛

城臨閣還宜水引湖莫愁花睡懶倩得酒杯扶

苗令公招遊從姑山同徐仲光

孤峯峙東南一岡兩水共壁立綴層霄嶂崿勢懸空玉質  
鐵爲關輪囷還圓縱毛髮無遁傑紺碧爭磨礪仰射元壤  
匯倒流滄波凍徑束天亦小窺來特一縫羣峯萬馬奔到  
茲竟不聞我來值初秋暑行尙倥傯大令一鳥先二客雙  
鸞控異木帶淙聲清瀨恣漱弄坐對古賢祠高風餘梁棟  
拾級步齒齒林響崖光動江帆落深罅橋危心目惘雨過  
再躋攀箕踞聞鳥哢開元天寶語盡破塵凡夢偶爾評兩  
姑以規不以頌一驚泉爲瀑一踞險爲峒屈宋豈衙官管